

**ОДЛУКУ  
О ИМЕНОВАЊУ ЧЛАНОВА КОМИСИЈЕ ЗА  
ПРИМЈЕНУ ПРОГРАМА ЗАШТИТЕ СВЈЕДОКА У  
БОСНИ И ХЕРЦЕГОВИНИ**

Члан 1.

(Именовање и период)

- (1) За чланове Комисије за примјену програма заштите свједока у Босни и Херцеговини (у даљем тексту: Комисија) именују се:
- а) Даворин Јукић, Предсједник Комисије, Суд Босне и Херцеговине,
  - б) Горан Салиховић, члан, Тужилаштво Босне и Херцеговине,
  - ц) Вахид Алагић, члан, Одјелене за заштиту свједока Државне агенције за истраге и заштиту
- (2) Чланови Комисије из става (1) овог члана именују се на период од пет година.

Члан 2.

(Надлежност Комисије)

Надлежности и задаци Комисије дефинисани су у чл. 4., 5. и 6. Закона о програму заштите свједока у Босни и Херцеговини.

Члан 3.

(Ступање на снагу)

Ова Одлука ступа на снагу даном доношења и објављује се у "Службеном гласнику БиХ".

СМ број 55/15  
17. јуна 2015. године  
Сарајево

Председавајући  
Савјета министара БиХ  
Др **Денис Звизвић**, с. р.

462

Na osnovu člana 16. stav 3. Zakona o veterinarstvu u Bosni i Hercegovini ("Službeni glasnik BiH", broj 34/02) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Ureda za veterinarstvo Bosne i Hercegovine, na 09. sjednici, održanoj 02. juna 2015. godine, donijelo je

**ПРАВИЛНИК  
О ИЗМЈЕНАМА И ДОПУНАМА ПРАВИЛНИКА О  
ОЗНАЧАВАЊУ И КОНТРОЛУ КРЕТАЊА ЖИВОТИЊА  
У БОСНИ И ХЕРЦЕГОВИНИ**

Члан 1.

U Pravilniku o označavanju i kontroli kretanja životinja u Bosni i Hercegovini ("Službeni glasnik BiH", br. 13/10, 79/10, 25/11, 103/11 i 41/12), u članu 2. tačka o) mijenja se i glasi:

"o) Ovlaštena veterinarska organizacija-veterinarska organizacija ovlaštena za provođenje pojedinih odredbi ovog Pravilnika na određenom području;"

Члан 2.

U članu 4. st. (3) i (4) mijenjaju se i glase:

- "(3) Označavanje goveda, svinja, ovaca i koza na farmama čije porijeklo nije moguće utvrditi putem DBP, može se provoditi jedino uz dokumentiranu saglasnost nadležnog veterinarskog inspektora.
- (4) Registracija farme i podaci o označenim životinjama ovlaštena veterinarska organizacija upisuje direktno u DBP. Ukoliko nije moguće upisati direktno u DBP podaci o registraciji farme i o označenim životinjama dostavljaju se putem obrasca za registraciju pripadajućem regionalnom uredu koji unosi podatke u DBP."

Члан 3.

U članu 5. stav (4) mijenja se i glasi:

"(4) Obaveze prilikom uvoza goveda:

- a) svako uvezeno govedo koje ostaje na području Bosne i Hercegovine mora biti označeno ušnom markicom u karantinu, u skladu sa zahtjevima iz ovog člana, u roku koji ne smije biti duži od 20 dana nakon uvoza, a u svakom slučaju prije napuštanja karantina;
- b) odredbe iz tačke a) ovog stava se ne primjenjuju ako je govedo namijenjeno klanju i ako se zakolje pod veterinarskom kontrolom u roku od 20 dana od uvoza;
- c) odredbe iz stava (4) tačka a) ovog člana se ne primjenjuju ako je govedo uvezeno iz zemalja koje se nalaze na jedinstvenoj listi država za koje nije potrebno ponovno označavanje (remarkiranje), (u daljnjem tekstu: lista), a u koju se upisuju Srbija, Crne Gora, Makedonija (u daljnjem tekstu: zemlje regije), zemlje Evropskog unije i zemlje članica EFTA-e. Ured za veterinarstvo BiH može odobriti upis, brisanje ili izmjenu država s liste i istu objavljuje na svom sajtu prilikom svake promjene na osnovu Odluke direktora Ureda za veterinarstvo Bosne i Hercegovine. Govedo uvezeno iz zemalja koje se nalaze na listi zadržava svoju izvornu ušnu markicu i s tim brojem se upisuje u bazu podataka;
- d) izvornu identifikaciju koju je provela država koja nije članica Evropske unije, zemlja članica EFTA-e, zemlja regije, odnosno ako se ne nalazi na listi, (u daljnjem tekstu: treća zemlja) mora se upisati u DBP, propisan članom 9. ovog Pravilnika i u Registar goveda na imanju iz člana 13. ovog Pravilnika, zajedno s novim jedinstvenim identifikacijskim brojem dodijeljenim u Bosni i Hercegovini."

Члан 4.

U članu 6. u stavu (6) na kraju stava dodaje se rečenica koja glasi:

"U slučaju da originalne identifikacijske oznake životinja ne garantiraju neponovljivost, odnosno jedinstvenost identifikacijskog broja ušne markice životinje, vrši se označavanje životinja u skladu sa stavom (3) ovoga člana."

Члан 5.

U članu 7. u stavu (2) na kraju stava dodaju se rečenice koje glase:

"Sve životinje porijeklom iz država članica Evropske unije zadržavaju vlastite originalne identifikacijske oznake. U slučaju da originalne identifikacijske oznake životinja ne garantiraju neponovljivost, odnosno jedinstvenost identifikacijskog broja ušne markice životinje, vrši se označavanje životinja ušnom markicom u skladu sa zahtjevima iz Priloga I. poglavlje C ovog Pravilnika."

Члан 6.

Члан 8. mijenja se i glasi:

"Члан 8.

(Distribucija sredstava za označavanje i provođenje označavanja)

- (1) Ušne markice se dodjeljuju direktno ovlaštenoj farmi u svim slučajevima kada se radi o ovlaštenim vlasnicima, odnosno putem ovlaštenih veterinarskih organizacija u svim ostalim slučajevima i postavljaju se životinjama na sljedeći način:

a) zahtjev za dostavu ušnih markica ovlaštena veterinarska organizacija ili ovlašteni vlasnik podnosi Agenciji;

- b) Agencija odobrava odgovarajući broj ušnih markica i dodjeljuje ih farmi, u svim slučajevima kada se radi o ovlaštenim vlasnicima, odnosno ovlaštenoj veterinarskoj organizaciji u DBP putem informacijskog sistema;
  - c) Agencija štampa odobreni broj ušnih markica i dostavlja ih ovlaštenom vlasniku odnosno ovlaštenoj veterinarskoj organizaciji i iste zadužuje za dostavljene količine;
  - d) nakon provođenja procedure iz tač. a) do c) ovog stava, ovlašteni vlasnik je dužan označiti životinje na svojoj farmi u rokovima propisanim ovim Pravilnikom, odnosno na blagovremeni zahtjev vlasnika, ovlaštena veterinarska organizacija provodi označavanje životinja na farmi vlasnika koji nije ovlašten;
  - e) dostavljene i zadužene ušne markice ovlašteni vlasnik može koristiti samo za označavanje životinja koje su rođene na njegovoj farmi, dok veterinarska organizacija dostavljene i zadužene ušne markice može koristiti samo za označavanje životinja na teritoriji nad kojom ima nadležnost na osnovu odobrenja nadležnog organa.
- (2) Ovlašteni vlasnici i ovlaštene veterinarske organizacije mogu unaprijed zahtijevati određene količine ušnih markica u skladu s njihovim potrebama za period od najviše jedne godine za goveda i šest mjeseci za ovce, koze i svinje, ukoliko to žele i u skladu s odredbama ovog Pravilnika. Maksimalan broj ušnih markica koje se za farmu mogu naručiti kao jednogodišnja, odnosno polugodišnja potreba, ne može prijeći maksimalno mogući broj novorođenih životinja u periodu od godinu dana od dana podnošenja zahtjeva, uzimajući u obzir vrstu životinja, te broj i dob ženskih životinja prisutnih na farmi u vrijeme podnošenja zahtjeva.
- (3) Zabranjeno je uklanjanje ili zamjena sredstava za označavanje koji su u suprotnosti odredbama ovog Pravilnika. Ako je sredstvo za označavanje postalo nečitko ili je izgubljeno, životinja se mora označiti zamjenskim sredstvom za označavanje koje nosi isti identifikacijski broj životinje u skladu s ovim Pravilnikom. Uz identifikacijski broj životinje i odvojeno od njega, zamjensko sredstvo za označavanje mora nositi oznaku iskazanu rimskim brojem koji pokazuje koliko je puta sredstvo za označavanje zamijenjeno. Vlasnik je dužan prijaviti gubitak ušne markice na životinji i zatražiti izradu zamjenskog sredstva za označavanje u roku od sedam dana.
- (4) Zamjenske ušne markice za goveda rođena u državama koje se nalaze na listi moraju nositi najmanje isti identifikacijski kod originalne ušne markice i oznaku "MVTEO" skraćeni naziv Ministarstva vanjske trgovine i ekonomskih odnosa Bosne i Hercegovine, te da su u skladu sa zahtjevima iz Priloga I. poglavlje A st. (3) i (4) ovog Pravilnika."
- (5) Ovlaštena veterinarska organizacija dužna je označiti životinje na farmi u roku od pet dana od podnošenja zahtjeva vlasnika. Postavljanje ušnih markica izvodi se na stručan način, bez nanošenja suvišne boli životinji.
- (6) Ured za veterinarstvo BiH može vršiti naplatu nadoknade za sredstava za označavanje i njihovu distribuciju prema ovlaštenim vlasnicima i ovlaštenim veterinarskim organizacijama. Način naplate, visina naknade, procedure i poslove u vezi navedenog propisuje Ured za veterinarstvo BiH i iste objavljuje u "Službenom glasniku BiH".

#### Član 7.

U članu 10. stav (1) tač. a) i d) mijenjaju se i glase:

- "a) Agencija osigurava štampanje pasosa za svako govedo, označeno u skladu s članom 5. ovog Pravilnika, u roku od 14 dana nakon zaprimanja obavijesti o njenom rođenju ili uvozu. Vlasnik uvezenih goveda bez obzira da li se životinje uvoze radi klanja ili držanja mora osigurati dostavljanje pasosa Agenciji kako bi se isti mogli vratiti nadležnom organu države koja je pasoš izdala;
- d) u slučaju uginuća goveda vlasnik mora izvršiti dostavljanje pasosa ovlaštenoj veterinarskoj organizaciji u roku od sedam dana nakon uginuća goveda. Ukoliko je govedo otpremjeno u klaonicu, odgovorno lice u klaonici vrši prijavu dolaska životinje u klaonicu i prijavu klanja direktno u DBP putem informacijskog sistema u roku od sedam dana od klanja. Pasoši uginulih i zaklanih životinja dostavljaju se do svakog desetog dana u mjesecu za prethodni mjesec regionalnom uredu za unos podataka. Regionalni ured unosi brojeve uginulih ili zaklanih životinja s pasosa u informacijski sistem, ako klanje ili uginuće nije prijavljeno, i pasose dostavlja Agenciji;"

#### Član 8.

U članu 12. st. (2) i (3) mijenjaju se i glase:

- "(2) Svi ovlašteni vlasnici životinja, posjedi poput stočnih pijaca i klaonica i ovlaštene veterinarske organizacije koje posjeduju tehničke mogućnosti prijavu kretanja vrše direktno u DBP putem informacijskog sistema. U slučaju nepostojanja tehničkih mogućnosti prijavu kretanja životinja vrše regionalni uredi.
- (3) U slučaju uvoza životinja, granični veterinarski inspektor je obavezan, putem informacijskog sistema, unijeti u DBP najavu kretanja, koja sadrži informacije o identifikacijskom broju životinje, državi porijekla, vrsti, kategoriji, broju i namjeni životinja, te farmu prvog odredišta, dok je vlasnik karantina odnosno klaonice, obavezan da izvrši prijavu kretanja u skladu s odredbama ovog Pravilnika. Sve životinje se prilikom uvoza u BiH evidentiraju putem informacijskog sistema bez obzira da li se radi o uvozu životinja radi uzgoja, klanja, provoza ili privremenog uvoza zbog sajмова izložbi ili drugog. Evidentiranje podrazumijeva unos u DBP svih neophodnih podataka o životinima u zavisnosti od vrste životinja i namjene, dok se pasoš za životinju izdaje samo za one koje uvoze radi uzgoja u BiH."

#### Član 9.

U članu 19. stav (2) mijenja se i glasi:

- "(2) Ako vlasnik životinja kod kojih su utvrđene neusklađenosti iz stava (1) ovog člana ne dokaže njihovu identifikaciju i porijeklo u roku od dva radna dana, veterinarski inspektor može, gdje je to moguće, na osnovu procjene rizika zdravlja životinja i sigurnosti hrane da naredi njihovo uništavanje i neškodljivo uklanjanje, bez prava na nadoknadu štete za ubijene životinje od strane nadležnih organa. U posebnim slučajevima, a na osnovu procjene rizika, veterinarski inspektor može narediti označavanje goveda neutvrđenog porijekla uz istovremeno naređivanje provjere zdravstvenog stanja svih prijemčivih životinja na farmi na osnovu programa mjera suzbijanja zaraznih bolesti domaćih životinja na teret vlasnika ili čuvara."

#### Član 10.

U članu 24. iza stava (5) dodaju se st. (6) i (7) koji glase:

"(6) Procedure koje su neophodne za nesmetano funkcioniranje poslova označavanja, kontrole kretanja, popisa i razduženja životinja, registracije i odjave farme, zaduženja i razduženja ušnih markica, ispravki nastalih greški, način finansiranja i svih drugih poslova u vezi funkcionalnosti sistema označavanja i kontrole kretanja životinja u Bosni i Hercegovini u skladu s ovim Pravilnikom propisuje Ured za veterinarstvo BiH, uz prethodnu pribavljenu saglasnost nadležnih ministarstava poljoprivrede entiteta i Brčko Distrikta, i iste objavljuje u "Službenom glasniku Bosne i Hercegovine".

(7) Do 30.06.2016. godine moguće je koristiti ušne markice za označavanje ovaca, koza i svinja u skladu s Pravilnikom o obaveznom označavanju i upisu u jedinstveni registar ovaca, koza i svinja te vođenju evidencija ("Službene novine Federacije BiH", br: 87/07, 64/08, 65/14), koje su korištene na teritoriji Federacije Bosne i Hercegovine, kao i ušne markice za označavanje ovaca i koza jedinstvenog identifikacijskog broja za Republiku Srpsku i Brčko Distrikt nabavljenih u sklopu akcije masovne vakcinacije malih preživara u Bosni i Hercegovini, a koje nisu u skladu s Prilogom I. poglavlje B i C ovog Pravilnika. Nakon ovog perioda sve veterinarske organizacije su obavezne vratiti Agenciji neutrošene ušne markice zajedno s prapatnim aktom i specifikacijom nerazduženih ušnih markica."

#### Član 11.

U članu 26. stav (3) mijenja se i glasi:

"(3) Izuzetno od odredbe stava (1) ovog člana, odredbe čl. 6. i 7. ovog Pravilnika stupaju na snagu od 30. juna 2015. godine."

#### Član 12.

U Prilogu I. poglavlje A stav (2) tačka b) mijenja se i glasi:

"b) znakovi, koji slijede nakon dvoslovne oznake države, su prvi broj koji označava vrstu životinje, za goveda je broj "0", drugi broj označava entitet, gdje broj jedan "1" označava Brčko Distrikt Bosne i Hercegovine, broj dva "2" označava entitet Federaciju Bosne i Hercegovine i broj tri "3" koji označava entitet Republiku Srpsku. Zatim slijedi osam brojeva koji označavaju progresivni broj životinje."

Stav (3) mijenja se i glasi:

"(3) Uz određeno u st. (1) i (2) ovog Poglavlja, ušna markica sadrži barkod putem kojeg je moguće elektronsko očitavanje jedinstvenog identifikacijskog broja na ušnoj markici."

U Poglavlju B stav (2) tačka b) mijenja se i glasi:

"b) znakovi, koji slijede nakon dvoslovne oznake države, su prvi broj koji označava vrstu životinje, za ovce je broj "4", a za koze je broj "5", drugi broj označava entitet, gdje broj jedan "1" označava Brčko Distrikt Bosne i Hercegovine, broj dva "2" označava entitet Federaciju Bosne i Hercegovine i broj tri "3" koji označava entitet Republiku Srpsku. Zatim slijedi osam brojeva koji označavaju progresivni broj životinje."

Iza tačke b) dodaje se tačka c) koja glasi:

"c) Uz određeno u tač. a) i b) ovog stava ušna markica sadrži barkod putem kojeg je moguće elektronsko očitavanje jedinstvenog identifikacijskog broja na ušnoj markici."

U Poglavlju C stav (1) tačka b) mijenja se i glasi:

"b) znakovi, koji slijede nakon dvoslovne oznake države, su prvi broj koji označava vrstu životinje, za svinje je broj "6", drugi broj označava entitet, gdje broj jedan "1" označava Brčko Distrikt Bosne i Hercegovine, broj dva "2" označava entitet Federaciju Bosne i Hercegovine i broj tri "3" koji označava entitet Republiku Srpsku. Zatim slijedi osam brojeva koji označavaju progresivni broj životinje."

Iza tačke b) dodaje se tačka c) koja glasi:

"c) Uz određeno u tač. a) i b) ovog stava ušna markica sadrži barkod putem kojega je moguće elektronsko očitavanje jedinstvenog identifikacijskog broja na ušnoj markici."

#### Član 13.

Ovaj Pravilnik stupa na snagu danom donošenja i objavljuje se u "Službenom glasniku BiH".

VM broj 52/15  
02. juna 2015. godine  
Sarajevo

Predsjedavajući  
Vijeća ministara BiH  
**Denis Zvizdić**, s. r.

Na temelju članka 16. stavak 3. Zakona o veterinarstvu u Bosni i Hercegovini ("Službeni glasnik BiH", broj 34/02) i članka 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Ureda za veterinarstvo Bosne i Hercegovine, na 09. sjednici, održanoj 02. lipnja 2015. godine, donijelo je

### **PRAVILNIK O IZMJENAMA I DOPUNAMA PRAVILNIKA O OZNAČAVANJU I KONTROLI KRETANJA ŽIVOTINJA U BOSNI I HERCEGOVINI**

#### Članak 1.

U Pravilniku o označavanju i kontroli kretanja životinja u Bosni i Hercegovini ("Službeni glasnik BiH", br. 13/10, 79/10, 25/11, 103/11 i 41/12), u članku 2. tačka o) mijenja se i glasi:

"o) Ovlaštena veterinarska organizacija-veterinarska organizacija ovlaštena za provođenje pojedinih odredbi ovoga Pravilnika na određenom području;"

#### Članak 2.

U članku 4. st. (3) i (4) mijenjaju se i glase:

"(3) Označavanje goveda, svinja, ovaca i koza na posjedima čije podrijetlo nije moguće utvrditi putem DBP, može se provoditi jedino uz dokumentiranu suglasnost mjerodavnog veterinarskog inspektora.

(4) Registracija posjeda i podaci o označenim životinjama ovlaštena veterinarska organizacija upisuje izravno u DBP. Ukoliko nije moguće upisti izravno u DBP podaci o registraciji posjeda i o označenim životinjama dostavljaju se putem obrasca za registraciju pripadajućem regionalnom uredu koji unosi podatke u DBP."

#### Članak 3.

U članku 5. stavak (4) mijenja se i glasi:

"(4) Obveze prilikom uvoza goveda:  
a) svako uvezeno govedo koje ostaje na području Bosne i Hercegovine mora biti označeno ušnom markicom u karanteni, sukladno zahtjevima iz ovog članka, u roku koji ne smije biti duži od 20 dana nakon uvoza, a u svakom slučaju prije napuštanja karantene;  
b) odredbe iz tačke a) ovog stavka se ne primjenjuju ako je govedo namijenjeno klanju i ako se zakolje